



PEJABAT AKADEMIK, HAL EHWAL PELAJAR DAN ALUMNI FAKULTI PERTANIAN, UNIVERSITI PUTRA MALAYSIA

TATACARA PELAKSANAAN AKTIVITI PENGAJARAN DAN PEMBELAJARAN PERINGKAT PRASISWAZAH FAKULTI PERTANIAN SEMASA PERINTAH KAWALAN PERGERAKAN (PKP) 3.0 - FASA 1 **1 JUN 2021 HINGGA 14 JUN 2021**

Susulan pengumuman YAB Perdana Menteri pada 28 Mei 2021 untuk melaksanakan penutupan penuh sektor sosial dan ekonomi ataupun '*total lockdown*' Fasa Pertama di seluruh negara bagi tempoh 14 hari bermula 1 Jun 2021 hingga 14 Jun 2021. Perintah ini adalah bagi terus membendung wabak COVID-19 yang semakin meningkat secara mendadak daripada terus menular di seluruh negara. Justeru, Universiti Putra Malaysia telah mengeluarkan Garis Panduan Kesinambungan Perkhidmatan di UPM semasa Perintah Kawalan Pergerakan (PKP) 3.0 Fasa Pertama 1 Jun 2021 hingga 14 Jun 2021 (GP PKP BIL. 9 2021).

2. Antara lain, Garis Panduan yang telah ditetapkan adalah seperti berikut:

- | |
|---|
| 3.10 Bagi kemasukan pegawai akademik/pelajar/pegawai perubatan ke kampus untuk urusan pengajaran/pembelajaran/penyelidikan adalah tertakluk kepada perkara berikut:

3.10.1 Semua aktiviti Pengajaran dan Pembelajaran (PdP) hendaklah dijalankan secara dalam talian . PdP secara bersemuka adalah tidak dibenarkan sehingga suatu tempoh yang akan dimaklumkan kelak. Bagi kursus-kursus yang bercirikan teknikal, klinikal, kerja makmal atau lain-lain aktiviti yang melibatkan keperluan kompetensi kemahiran yang spesifik, ia boleh dilaksanakan secara dalam talian dan menggunakan teknologi yang bersesuaian seperti <i>virtual simulation</i> , <i>virtual lab</i> , <i>augmented reality</i> , <i>virtual reality</i> dan sebagainya;

3.10.2 Pelajar yang menginap di kolej kediaman dan perlu mengikuti Latihan Industri dikehendaki mendapatkan surat kebenaran terbaharu daripada penyelaras di fakulti sebelum slip hijau dikeluarkan oleh Kolej Kediaman. Jadual Bekerja dari Pejabat dan Jadual Bekerja Dari Rumah yang dikeluarkan oleh majikan perlu dilampirkan bersama; |
|---|

<p>3.10.3 Kerja-kerja lapangan, sebagai contoh untuk masuk ke kawasan hutan adalah tidak dibenarkan;</p> <p>3.10.6 Bagi kes Projek Tahun Akhir (FYP) yang tergendala akibat Perintah Kawalan Pergerakan, pihak Fakulti/Sekolah boleh mengusulkan kelak kepada pihak Universiti untuk melanjutkan tempoh penghantaran dan penilaian FYP mengikut peruntukan berkenaan pemberian gred 'TL' berdasarkan kaedah-kaedah yang berkuat kuasa.</p>

Berikutan Garis Panduan tersebut, pihak Pengurusan Fakulti Pertanian telah membuat beberapa ketetapan seperti berikut:

- 2.1 Oleh kerana **semua aktiviti Pengajaran dan Pembelajaran (PdP)** dijalankan **secara dalam talian**, termasuk kerja makmal dan kerja bercirikan teknikal yang disarankan dilaksanakan secara dalam talian dengan menggunakan teknologi yang bersesuaian seperti *virtual simulation*, *virtual lab*, *augmented reality*, *virtual reality* dan sebagainya, maka **tiada pelajar prasiswazah dibenarkan hadir/berada di Fakulti** sepanjang tempoh ini.
- 2.2 Pelajar yang sedang mengikuti kursus Latihan Industri adalah tertakluk kepada peraturan semasa majikan dalam pematuhan '*total lockdown*' Fasa Pertama ini. Oleh demikian, pelajar Fakulti Pertanian yang majoritinya berada dalam perkhidmatan perlu (*essential service*) – Sektor Pertanian adalah boleh diteruskan sama ada dengan pelaksanaan **Bekerja dari Pejabat (ladang)** atau **Bekerja dari Rumah** berdasarkan Jadual Penggiliran bertugas atau ketentuan majikan sebagaimana dalam arahan yang diberikan oleh Majlis Keselamatan Negara (MKN) ke atas negeri / lokasi masing-masing.
- 2.3 Pelajar yang menginap di kolej kediaman dikehendaki mendapatkan **surat pengesahan** terbaharu daripada Pejabat AHEPA, Fakulti Pertanian. **Jadual Penggiliran Bertugas (Bekerja Dari Pejabat/Rumah)** yang disediakan oleh majikan perlu dilampirkan bersama sebelum slip hijau dikeluarkan oleh Kolej Kediaman.
- 2.4 Pelajar Latihan Industri yang berada di luar kampus juga memerlukan Surat Kebenaran tersebut beserta Jadual Penggiliran Bertugas daripada majikan untuk meneruskan kursus Latihan Industri masing-masing. **Semua pelajar perlu melengkapkan (24) minggu pembelajaran kursus Latihan Industri**.
- 2.5 Pembelajaran yang melibatkan kerja-kerja lapangan fizikal, sebagai contoh aktiviti mengumpul data, melaksanakan *survey* secara fizikal, lawatan lapangan secara fizikal, serta aktiviti merentas dan masuk ke kawasan hutan adalah **TIDAK DIBENARKAN**.

- 2.6 Bagi kursus **Projek Tahun Akhir (FYP) / Disertasi Bacelor** yang tergendala akibat Perintah Kawalan Pergerakan (PKP) 3.0, pihak Fakulti akan mengusulkan kelak kepada pihak Universiti untuk melanjutkan tempoh penghantaran dan penilaian FYP mengikut peruntukan berkenaan pemberian gred 'TL' berdasarkan kaedah-kaedah yang berkuat kuasa. Bagi pelajar Projek Tahun Akhir/Disertasi Bacelor yang menjalankan penyelidikan di makmal, mohon berbincang dengan penyelia masing-masing untuk **menjadual semula ujikaji selepas tempoh ini.**
3. Semua pelajar adalah diminta untuk mematuhi Prosedur Operasi Standard yang ditetapkan oleh Majlis Keselamatan Negara dan Kementerian Kesihatan Malaysia serta semua peraturan lain yang ditetapkan oleh UPM.

Segala perubahan sepanjang tempoh pandemik ini akan dimaklumkan dari masa ke semasa.

Sekian, terima kasih.

Pejabat Akademik, Hal Ehwal Pelajar dan Alumni

Fakulti Pertanian

1 Jun 2021